



www.odgojnicentarks.ba
info@odgojnicentarks.ba

KJU "Odgojni centar Kantona Sarajevo"
KJU "Одгoјни центар Кaнтoнa Сaрaјeвo"

Tel: + 387 (0) 33 200-425
Fax: + 387 (0) 33 200-424



Jukićeva bb
71 000 Sarajevo

OKVIRNI SPORAZUM LOT 1 - svježe meso i proizvodi od mesa

Zaključen dana 27.03.2020. godine u Sarajevu, između:

1. **Kantonalna javna ustanova „Odgojni centar Kantona Sarajevo“** sa sjedištem u Sarajevu, Jukićeva bb, ID broj: 4201017410008, koju zastupa direktor Mirsad Pindžo (u daljem tekstu: **Naručilac**)
2. **Trgovačko preduzeće distributivni centar „Sarajevo“ d.d.** Sarajevo sa sjedištem u Sarajevu, Rajlovačka bb, ID broj 4200115050005, koje zastupa direktor Mirsad Hodžić (u daljem tekstu: **Dobavljač**)

I. UVOD

Član 1.

Na osnovu provedenog postupka javne nabavke roba – svježe meso i proizvodi od mesa Ugovorni organ je Odlukom broj: 31-06-11-283-07/20 od 17.03.2020. godine odabrao ponudu Dobavljača broj 226/20 od 10.03.2020. godine kao najbolje ocijenjenu ponudu u skladu sa objavljenim kriterijem za donošenje odluke o odabiru i zahtjevima iz tenderske dokumentacije.

Ovaj Okvirni sporazum ne predstavlja obavezu Naručioca na realizaciju u bilo kojem obimu ili vrijednosti u odnosu na ugovorenu količinu.

II. PREDMET I TRAJANJE OKVIRNOG SPORAZUMA

Član 2.

Predmet ovog Okvirnog sporazuma je regulisanje međusobnih kupoprodajnih odnosa za nabavku svježeg mesa i proizvoda od mesa za potrebe korisnika KJU „Odgojni centar Kantona Sarajevo“, prema tenderskoj dokumentaciji i ponudi Dobavljača.

Ovaj Okvirni sporazum se zaključuje na period od 1 (jedne) godine i predviđa se sa ciljem realizacije isporuke roba tokom perioda ugovorenog ovim Okvirnim sporazumom.

U okviru zaključenog okvirnog sporazuma Ugovorne strane će zaključivati posebne ugovore o kupoprodaji ili isporuku predmeta nabavke vršiti po potrebi Naručioca, na osnovu dostavljene narudžbenice u skladu sa uslovima definisanim ovim sporazumom i tenderskom dokumentacijom.

III. CIJENA

Član 3.

- Ukupna vrijednost zbira jediničnih cijena traženih artikala (bez PDV-a) iznosi : 67,25 KM (slovima: šezdesetsedam i 25/100 KM),
- Popust iznosi: 0,00 %,
- Ukupna vrijednost zbira jediničnih cijena traženih artikala (bez PDV-a) i sa uključenim popustom iznosi: 67,25 KM,
- PDV (17%) iznosi: 11,43 KM,

- Ukupna vrijednost zbira jediničnih cijena traženih artikala (sa PDV-om) iznosi: 78,68 KM (slovima: sedamdesetosam i 68/100 KM).

Jedinične cijene su fiksne i ne mogu se mijenjati za vrijeme važenja Okvirnog sporazuma.

Sveukupna vrijednost/cijena ovog Okvirnog sporazuma utvrđuje se u iznosu od 3.500,00 KM (slovima: trihiljadepetstotina i 00/100 KM) bez uračunatog PDV-a.

IV. USLOVI PROVEDBE OKVIRNOG SPORAZUMA

Član 4.

Jedinične cijene za svaku nabavku moraju odgovarati cijenama istaknutim u ponudi Dobavljača iz člana 1. stav 1. ovog Okvirnog sporazuma i moraju biti nepromjenjive.

Član 5.

Dobavljač se obavezuje da će početi sa isporukom odmah po zaključivanju ovog Okvirnog sporazuma na zahtjev Naručioca.

Isporuka roba će se vršiti sukcesivno (dnevno, sedmično ili mjesečno) prema zahtjevima i potrebama Naručioca u roku od najviše 3 (tri) dana od dana prijema narudžbenice.

Mjesto isporuke roba je sjedište Naručioca ul. Jukićeva bb.

Član 6.

Naručilac će vršiti plaćanje na osnovu ispostavljenih faktura Dobavljača.

Naručilac će izvršiti plaćanje fakture iz stava 1. ovog člana u roku datom u ponudi Dobavljača, koji počinje teći danom dostavljanja ispravne fakture.

Dobavljač je saglasan da Naručiocu neće zaračunavati zatezne kamate za zakašnjenje pri plaćanju putem Trezora Kantonalnog ministarstva finansija, ako je Naručilac u ugovorenom roku predao nalog za plaćanje.

Član 7.

Pri sklapanju ugovora o javnoj nabavi ugovorne strane ne smiju mijenjati bitne uslove ovog Okvirnog sporazuma.

V. OBAVEZE I ODGOVORNOST DOBAVLJAČA

Član 8.

Dobavljač se obavezuje izvršivati isporuke roba savjesno i odgovorno, na način određen ovim Okvirnim sporazumom sa pažnjom dobrog privrednika.

Dobavljač se obavezuje da će ugovorene robe isporučiti u skladu sa tenderskom dokumentacijom i prihvaćenom ponudom.

Dobavljač se obavezuje čuvati sve podatke i materijale dobivene po osnovu ovog Ugovora i neće ih otkrivati i davati na upotrebu trećim licima.

Član 9.

Kupac se obavezuje da će blagovremeno izvršiti narudžbu, a dobavljač je dužan u roku datom u ponudi izvršiti isporuku koja odgovara kvalitetu i roku upotrebe shodno važećim zakonskim propisima za predmetnu nabavku.

Dobavljač se obavezuje da će ugovorenu robu dostavljati u prevoznom sredstvu koje je opremljeno ispravnim mjeračima temperature i dostavljati robu kojoj je dozvoljeno robno susjedstvo srodnih namirnica.

Za robe koje se dostavljaju mora biti obezbijeđen temperaturni režim prevoza: hladeni režim prevoza, a ako je potrebno i zamrznuti režim prevoza. Sve robe koje su predmet nabavke moraju obavezno posjedovati podatke: rok upotrebe, deklaraciju, namjensku



www.odgojnicentarks.ba
info@odgojnicentarks.ba

KJU "Odgojni centar Kantona Sarajevo"
КЈУ "Одгoјни центар Кантона Сарајево"

Tel: + 387 (0) 33 200-425
Fax: + 387 (0) 33 200-424



Jukićeva bb
71 000 Sarajevo

ambalažu i uredna svojstva (okus, miris, izgled) koje se utvrđuju vizuelnom kontrolom i ne smiju biti oštećene.

Dobavljač je dužan isporučiti robu sa urednom deklaracijom.

Kupac zadržava pravo da vrši uvid u isporučenu robu i u slučaju bilo koje sumnje, istu ima pravo reklamirati i vratiti u roku od 24 sata.

Član 10.

Za ispravnost i kvalitet isporučene robe odgovoran je dobavljač. Na zahtjev kupca, dobavljač je dužan da dostavi potrebne ateste o kvalitetu i ispravnosti isporučene robe od nadležnog organa i institucije kao npr. Zavod za javno zdravstvo, inspekcijски nalazi za kontrolu kvaliteta i drugo, a vezane za određeni datum naznačen na proizvodu.

Prilikom isporuke roba koje su predmet ovog Okvirnog sporazuma dobavljač je dužan uz svaku isporuku dostaviti VS obrazac u kojem je naznačena količina mesa sa naznakom da je roba zdrava i higijenski ispravna za široku potrošnju u unutrašnjem prometu i na VS obrascu mora biti naznačen broj otpremnice kojom se dostavlja roba.

VI. OBAVEZE NARUČIOCA

Član 11.

Naručilac se obavezuje saradivati sa Dobavljačem tokom izvršenja isporuka roba i povremeno ga informisati o relevantnim činjenicama koje bi mogle utjecati na izvršenje ugovora.

Naručilac se obavezuje Dobavljaču platiti ugovorenu cijenu za izvršenje isporuke roba na ugovoreni način i u ugovorenom roku.

U slučaju eventualnih propusta Dobavljača u izvršavanju isporuke roba, Naručilac se obavezuje odmah po uočavanju propusta dati Dobavljaču prigovor u pisanoj formi.

VII. UGOVORNA KAZNA

Član 12.

U slučaju kašnjenja u isporuci robe do kojeg je došlo krivicom odabranog ponuđača isti je dužan platiti ugovorenu kaznu u iznosu od 0,1 % ukupne cijene, za svaki dan kašnjenja do urednog ispunjenja, s tim da ukupan iznos ugovorene kazne ne može preći 5 % od ukupno ugovorene vrijednosti robe koja je predmet ugovora.

Odabrani ponuđač je dužan platiti ugovornu kaznu u roku od 7 (sedam) dana od dana prijema zahtjeva Ugovornog organa za plaćanje.

Ugovorni organ neće naplatiti ugovorenu kaznu ukoliko je došlo do kašnjenja usljed više sile.

Pod višom silom se podrazumijeva slučaj kada ispunjenje obaveže postane nemoguće zbog vanrednih vanjskih događaja na koje izabrani ponuđač nije mogao uticati niti ih predvidjeti.

VIII. RASKID OKVIRNOG SPORAZUMA

Član 13.

U slučaju da Dobavljač ne bude ispunjavao ili ukoliko ne bude u mogućnosti ispunjavati preuzete obaveze iz ovog Okvirnog sporazuma i uslova ponude ili učini povredu odredbi ovog Okvirnog sporazuma, Naručilac ima pravo jednostranog raskida ovog Okvirnog sporazuma uz pisano obavještenje.

IX. RJEŠAVANJE SPOROVA

Član 14.

Sporovi koji eventualno nastanu iz ovog Okvirnog sporazuma, rješavat će se u prvom redu međusobnim sporazumom ugovornih strana, a ukoliko se ne mogu riješiti mirnim putem, oštećena strana može ostvariti svoja prava pred nadležnim sudom u Sarajevu.

Za sve odnose i institute koji nisu utvrđeni ovim Ugovorom, a proisteknu iz njegove realizacije primjenjivat će se odgovarajuća odredba Zakona o obligacionim odnosima.

X. SASTAVNI DIJELOVI OKVIRNOG SPORAZUMA

Član 15.

Sastavni dijelovi Okvirnog sporazuma su:

- Ponuda Dobavljača broj: 226/20 od 10.03.2020. godine.

XI. STUPANJE NA SNAGU OKVIRNOG SPORAZUMA

Član 16.

Ovaj Okvirni sporazum stupa na snagu danom obostranog potpisivanja i zaključuje se na period od 1 (jedne) godine.

Član 17.

Okvirni sporazum je sastavljen u 4 (četiri) istovjetna primjerka, od kojih se ugovornim stranama uručuju po 2 (dva) primjerka.

Pripremila: Merima Brdarić, po ovlaštenju šef Službe za opšte i zajedničke poslove

UGOVORNI ORGAN

Kantonalna javna ustanova

„Odgojni centar Kanton Sarajevo“

Sarajevo

Mirsad Pindžo, direktor



Broj: 31-06-11-283-1(0)/20
Datum: 27.03.2020.

DOBAVLJAČ

TPDC „Sarajevo“ d.d.

Sarajevo

Mirsad Hodžić, direktor



Broj: 290/1/20
Datum: 30.03.2020